



UNIVERSITÄTS-
BIBLIOTHEK
PADERBORN

Universitätsbibliothek Paderborn

Scala Jacob

Lindeborn, Jan

Antverpiæ, 1666

Epilogus.

[urn:nbn:de:hbz:466:1-49085](https://nbn-resolving.org/urn:nbn:de:hbz:466:1-49085)

EPILOGUS.



Perarium mercede suâ dignum decreto-
riâ sententiâ pronuntiat suprema Veritas :

Dignus est Operarius mercede suâ : eam Luc. 10:7.

iisdem omninò verbis Veritatis Præco 1 Timoth.

promulgat. Cui innixus, cùm Virgini formandæ to- 5:18.

to hoc opusculo insudaverim, eo jam completo debi-

tam exigo laboribus meis mercedem. Quam autem ?

certè non pecuniariam, cùm noverim gravissimam

Prophetæ invektivam in eos Sacerdotes, qui *in mer-* Mich. 3:11

cede docebant, Pecuniæ Accipitres à Satyro D. Am- S. Ambr.

brofii Fratres appellati, &, quod gratis acceptum in eius Ob-

etiam gratis dandum, Lex Evangelica præcipiat, Matt. 10:8

„ Clerici ipsi (est ea D. Hieronymi Sanna & nota) Epist. 22:

„ quos & magisterio esse oportuerat pariter & timori, c. 6.

„ osculantur capita Matronarum, & extentâ manu,

„ ut benedicere eos putes velle si nescias, pretia acci-

„ piunt salutandi : illæ interim, quæ Sacerdotes suo

„ viderint indigere præsidio, eriguntur in super-

biam, &c. Prohibet Evangelium *sacculum* cir- Luc. 10:4.

cumferri & *peram*, *peram* in qua *Cupiditas* oblata re-

cipiat, *sacculum* autem in quo recepta *avaritia* cu-

stodiat. Quam ergo ? non aliam quàm Virginis pro-

fectum desidero, quem si obtinero, abundè mihi

satisfactum gratulabor : „ Præes, & singulariter, ad

„ quid ? (Summo Ecclesiæ Præsuli scribebat Abbas L. 3. de

„ Clarevallis, sed quod & inferiores instruit :) Consid.

„ Numquid ut de subditis crescas ? nequaquam, c. 3.

„ sed ut ipsi de te. Principem te constituerunt, sed

„ sibi non tibi : alioquin quo pacto te reputas supe-

Y 5

riorem

riorem his, à quibus beneficiū mendicis? audi Dominum : qui potestatem habent super eos benefici, vocantur : at istud de his qui foris sunt, quid ad nos? tu id mendiciter diceris, si non tam beneficus esse, quàm beneficiis præesse intendas : parvi dejectique animi est, de subditis non profectum quærere subditorum, sed quæstum proprium, in Summo præsertim omnium Pontifice nihil turpius. Quàm pulchrè Magister Gentium parentes filiis, non filios debere censuit thesaurizare parentibus! non mediocris gloriæ vox illa identidem ipsius : non requiro datum sed fructum. Qui & mihi sufficiet, si eum his meis excerptis fuero consecutus :

Epist.
Joan. 3.
vers. 4.

Majorem enim horum non habeo gratiam, quàm ut audiam filios meos (etiam Virgines) in Veritate ambulare.

Tu itaque Virgo in Mystica hac Scala ad perfectionem ejusque fontem & fructum non lentis passibus propera : sequere Agnum quocunque ierit, & in veritate ambulabis.

Sequere Agnum incontaminatæ Virginitatis semitâ, viâ verè impollutâ, te præeuntem, non immundum Spiritum aut ejus Emissarios te ad continentia naufragia aut immunditiæ voraginem abducturos : constantia hîc necessaria (*nemo mittens manum suam ad aratrum & respiciens retro aptus est regno Dei*) non ea tamen, quæ pertinacia potius est, quàm stabilis præclari Propositi Amor, *stabiles estote & immobiles, abundantes in opere Domini*, clamat Apostolicæ prædicationis autoritas. Qualis erit, si memineris (lubet enim dicta hæc in synopsi repetere) pudicitia Virginalis patriam esse Paradisum, Virgini

ginitas in Paradiso vigeat, inquit D. Damascenus: L. 4. Or-
 „Crescat & multiplicetur ille, (denuntiat S. Hiero- ibid. Fid.
 „nymus) qui impleturus est terram, tuum agmen in c. 25.
 „cœlis est: *Crescite & multiplicamini*: hoc ex- Epist. 22.
 „pletur Edictum post Paradisum, & nuditatem, &
 „ficus folia auspicantia pruriginem nuptiarum....
 „ut scias Virginitatem esse naturæ Nuptias post deli-
 „ctum, virgo nascitur caro de nuptiis, in fructu
 „reddens quod in radice perdiderat. Si animo vol-
 „veris eam post sui exilium & suspensionem tempora-
 „riam à Redemptore mundi in Ecclesiam suam rece-
 „ptam summisque honoribus decoratam, sive, ut cum
 „D. Hieronymo loquar, à *Salvatore Virgine dedica-* L. 1. ad-
 „tam, non tamen cum SS. Brigitta, Clara aut There- vers. Jo-
 „sia intra solos Monasteriorum cancellos conclusam, vinian.
 „sed cum SS. Thecla, *quam Paulus instituit*, Agatha & c. 13.
 „Agnete adhuc in seculo superstitem: *proinde vos quo-* L. 2. de
 „*que laudate eum*, inquit S. Augustinus, *qui vobis præ-* Virg.
 „*stat, ut in ardore medio seculi hujus, quamvis conju-* L. de vera
 „*gio non copulemini, non tamen uramini*: sit autem in- Virgin.
 „ter te & illas non superba contentio, quænam videat- c. 56.
 „tur esse major, quam ab humilitatis Schola jam olim
 „humilitatis Magister proscripsit, sed de virtute ac
 „profectu pia Deoque gratissima concertatio. Si in
 „pretio habeas familiare spiritus tui cum Deo tuo
 „commercium, quod tibi præstat *continentia pietatis*, ibid. c. 8.
 „quæ est phrasis Augustiniana: „O quàm bonum
 „& jucundum est (exclamat Virgineus Bernardus) Tract. de
 „tecum ô dulcissime Jesu habitare in unum, tecum Pass. Do-
 „colloqui, tibi revelare causam animæ nostræ, mini. c. 27
 „tuæque consolationis responso perfrui! Si ejusd.
 „prærogativam respicias, non solum quâ superat
 „con-

Conjugium (superat inquam non condemnat, est enim ex S. Ambrosio *Præsul conjugii Deus*, isque *fæminam de masculo mutuatus duo corpora ex ejusdem materiae consortio sumpta rursus in se matrimonii compactione compegit*, inquit Tertullianus) sed quam obtinebit in cœlesti præmio: *Dabo eis in domo mea & in muris meis locum, & nomen melius à filiis & filiabus, nomen sempiternum dabo eis quod non peribit*, spiritalibus Eunuchis, id est, Virginibus & Continentibus pollicetur divina Liberalitas, quam qui negant, eos nonnemo ex SS. Patribus *paupertatem quandam cœlestium remunerationum* scripsit inducere. Si denique eandem virtutem angelicam agnoscas: Muniantur ergo undique Virgines, (ex hoc capite urget D. Basilius) ac se observent summâ diligentia, ne sicut à terra & hominibus in cœlestem angelicamque dignitatem ascenderunt, ita è contra ab Angelis & cœlis in terram pessimâ ruinâ delabantur. Sequere itaque Agnum, & quò constanter sequaris, horum omnium memoria jugis in te perseveret.

Sequere Agnum, non in solo Virginitatis tramite, sed & in omnium virtutum semita præambulum, ad sequelam non compellaris invita, non traharis refractaria, non hîc locum habeat præteritum aut futurum quòd fueris aliquando secuta aut sis etiamnum secutura, verba tantùm dabat qui pollicebatur: *Magister sequar te quocunque ieris*: sed sequaris modò, sequaris semper & ad sequendum alios tecum trahere, nam

*Gratior est Astris multis qui venit Amicis,
Quàm Sociis nullis qui comitatus adest.*

Nul-

L. 1. de
Abrahamo c. 2.

L. 1. ad
Uxorem.

Isai. 56:5.

S. Ambr.
Epist. 81.

L. de Vir-
ginit.

Math. 8:
19.

ullus in sequela torpor, nullum spiritus tædium obrepat, *sequebatur Petrus à longè & à Via regia* *Matt. 26:*
 deflexit, *sancti enim corruunt si fuerint negligentes,* ob- 58.
 servat D. Hieronymus: „ Bonum namque propo- *Epist. 34*
 „ situm unde tentatur Acedia est, quâ quandoque *ad Fu-*
 „ in tantum tentantur Electi (inquit Mellifluus Bur- *lian.*
 „ gundio) ut non orare libeat, nec legere, nec medi- *Tract. de*
 „ tari, nec aliud quicquam operari eorum, quæ sunt *passione*
 „ quædam fomenta animæ, quia oratione, lectione, *Domini*
 „ meditatione seu etiam exercitio corporis vires ani- *c. 22.*
 „ mæ reparantur & conservantur & augentur, eis-
 „ que subtractis animam languescere necesse est, &
 „ in frigus mortale resolvi statimque subintrat luxu-
 „ ria vendicatque sibi sedem in anima frigida & eam
 „ pessimè suo igne calefacit.

Sequere Agnum & quò presso pede sequaris, iis
 Exercitiis animus assuescat, quæ te novis quotidie
 stimulis ad sequendum impellant: iis Meditationi-
 bus vaces, Lectionibus incumbas, eas cogitationes
 foveas, ea Virginum consortia quæras & colloquia
 misceas, quæ te non remorentur sed ad sequelam
 promoveant: „ Breviter dico (loquitur Os Melli- *Supra c.*
 „ fluum) quòd quicumque sciunt mentis oculos in- 27.
 „ terioribus contemplationibus occupare, & linguam
 „ animæ ad divinum colloquium referare non solum
 „ non delectantur exterioribus visibus vel collo-
 „ quiis, verùm etiam plurimùm fatigantur: hi verò,
 „ *qui intrinsecus cæci sunt & muti,* & contemplatio-
 „ ne divinâ & orationibus devotè nesciunt se occu-
 „ pare, exteriorum sensuum subsidia quærunt, & lon-
 „ gitudinem temporis, quâ gravantur, inutilibus
 „ confabulationibus expendere satagunt. Exteriori-
 bus

bus enim collocutionibus velle occupari signum certissimum est Animæ otiosæ, quæ ad collocutionem divinam nullâ penitus devotione levatur, tantoque altiùs se quisque noverit in virtutum gradibus ascendisse, quanto minùs humanis colloquiis delectatur, nisi fortè ejusmodi hominum, in quibus ipse Deus loquitur & per quos verbum Dei auditur: tales enim non audiuntur propter se sed propter Deum, qui & habitat & loquitur in ipsis, & cum talibus loquendo à nostris sæpe Domino cooperante dubietatibus expeditur, à pravis abducimur & in bono proposito confirmamur.

Sequere denique Agnum, non sensus non voluntatis propriæ diverticula sed cum eo voluntatem divinam, quam ex ore tui superioris agnoscas, nam *Domini obtemperandū est imperio, humano subdi necesse*

Joan. 5:

30.

Ibid. 6:38

Ibid. 4:34

est magisterio: „ Non quæro voluntatem meam (is inquit) sed voluntatem ejus qui misit me. Descendi de cælo, non ut faciam voluntatem meam sed voluntatē ejus, qui misit me. Meus cibus est, ut faciam voluntatem ejus, qui misit me, ut perficiam opus ejus: ideoque decepti ex hac cum divina voluntate conformitate unam in eo voluntatem statuerunt Monotelitæ. Sequêris Agnum? eadem cum divinâ sit & tuæ voluntatis conformitas, non devit ille à voluntate Patris, non deflectit ad illicita, quæ dicit: Ego quæ placita sunt illi facio semper: „ quomodo enim posset sequi Virgo superba Agnum in humilitatis via gradientem ad quem nullo modo accedit? quomodo mitissimum iracunda? quomodo ferventem charitate invida? quomodo largissimum avara? quomodo sobrium ebria? Ambulat

Ibid. 8:29

S. Bern.

supra

c. 31.

„bulat in omni via omnium virtutum Agnus, am-
 „bulet sic & Virgo cupiens Agnum imitari: sit mi-
 „tis, sit humilis, sit charitate fervens, sit larga, sit
 „alacris, sit sobria & imitabitur Agnum quocun-
 „que ierit. Lapsa es in itinere? Vires te deficiunt?
 erigat te per Sacramentum Pœnitentiæ, & in sacra
 Communionem carnibus & sanguine divinissimi hu-
 jus Agni reficiat director tuus: verbo, sequere ut
 in æternum sequaris.

Didicisti Catalogum virtutum tuarum, ad Viduam
 scribit D. Hieronymus, sed quo & Virginem allo-
 loquor, *quid debeas nomini tuo, quibus meritis secun-* *Epist. 9.*
dum (dico ego & primum) *pudicitie gradum possideas.*
 „Quod si cogitatio hæc in animum summittatur
 „(ad cautelam suggerit D. Athanasius & ego ex illo) *L. de Vir-*
 „quæ suadeat, ne tanta mole difficultateque elucte- *gin.*
 „ris ad salutem, ne audieris eam, quum inimicus
 „sit, qui tibi in animam hanc mollitiem &
 „supinitatem suggerat, ut te deturbet è bona vita:
 Virgines enim *ampliores gradum honoris & sancti-*
tatis in Ecclesia tenere docet S. Augustinus, & to- *Tract. 9.*
 tus hîc noster Tractatus, quem proinde finiens mo- *in Joann.*
 neo & rogo cum D. Cypriano: *Durate fortiter, spi-* *De Hab.*
ritualiter pergite, pervenite feliciter, tantum memento- *& Disc.*
te tunc nostri, cum incipiet in vobis VIRGINITAS *Virg.*
honorari.

F I N I S.